

摘藻堂四庫全書薈要

集部

欽定四庫全書薈要卷一萬三千八百七十一

集部

元氏長慶集卷七

唐 元稹 撰

古體詩

遣春十首

曉月籠雲影鴛深餘霧中暗芳飄露氣輕寒生柳風
冉冉一趨府未為勞我躬因茲得晨起但覺情興隆

久雨憐霽景偶來隄上行空濛天色嫩香祿

切弭

沼江面

平百草短長出衆禽高下鳴春陽各有分子亦澹無情
鏡皎碧潭水微波粗成文煙光垂碧草瓊脈散纖雲岸
柳好陰影風裾遺垢氛悠然送春目八荒誰與羣

低迷籠樹煙明淨暮霞日陽焰波春空平湖漫凝溢雪
鷺遠近飛渚牙淺深出江流復浩蕩相為坐紆鬱

暄寒深淺春紅日前後花顏色詎相讓生成良有涯梅
芳勿自早菊秀勿自賒各將一時意終年無再華

高屋童稚少春來歸鶯多葺舊良易就新院亦已羅俯

憐雛化卵仰愧鵬無窠巢棟與巢幕秋風俱奈何

撩亂撲樹蜂摧殘戀房藥風吹雨又頻安得繁於綺酒
盃沉易過世事紛何已莫倚顏似花君看歲如水

繞郭高高冢半是荆王墓後嗣熾陽臺前賢甘菓路善
惡徒自分波流盡東注胡然不飲酒坐落桐花樹

花陰莎草長藉莎閒自酌坐看鶯闌枝輕花滿尊杓葛
巾竹梢掛書卷琴上閣沽酒過此生狂歌眼前樂

梨葉已成陰柳條紛起絮波淥紫屏風螺紅碧籌筓三

杯面上熱萬事心中去我意風散雲何勞問行處

表夏十首

夏風多暖暖樹木有繁陰新筍紫長短早櫻紅淺深
煙花雲幕重榴豔朝景侵華實各自好詎云芳意沉

初日滿階前輕風動簾影旬時得休浣高臥閱清景
僮兒拂巾箱鷗軋深林井心到物自閒何勞遠箕顙

江瘴炎夏早蒸騰信難度今宵好風月獨此荒庭趣
露葉傾暗光流星委餘素但恐清夜徂詎悲朝景暮

孟月夏猶淺奇雲未成峯度霞紅漠漠壓浪白溶溶玉

委有餘潤飈

卑遙切

馳無去蹤何如捧雲雨噴毒隨蛟龍

流芳遞炎景繁英盡寥落公署香滿庭晴霞覆欄藥栽
紅起高焰綴綠排新萼憑此遣幽懷非言念將謔

紅絲散芳樹旋轉光風急煙泛被籠香露濃粧面濕佳
人不在此恨望堦前立忽厭夏景長今春行已及

百舌漸吞聲黃鸝正嬌小雲鴻方警夜籠雞已鳴曉當
時客自適運去誰能矯莫厭夏蟲多蜩蟬定相擾

翩翩簾外鷺戢戢巢內雛啖食筋力盡毛衣成紫襦朝
來各飛去雄雌梁上呼養子將備老惡兒那勝無

西山夏雪消江勢東南瀉風波高若天濫灝低於馬正
被黃牛旋難期白帝下我在平地行翻憂濟川者

靈均死波後是節常浴蘭綵縷碧筠糴香秔白玉團逝
者良自苦今人反為歡哀哉狗名士沒命求所難

解秋十首

清晨頌呼切對寒水動搖襟袖輕翳翳林上葉不知秋暗生

迴悲鏡中髮華白三四莖豈無滿頭黑念此衰已萌
微霜纔結露翔鳩初變鷹無乃天地意使之行小懲鵠
鵠誠可惡蔽日有高鵬捨大以擒細我心終不能

往歲求仙侶各在無何鄉同時驚名者次第鷄鷺行而
我兩不遂三十鬢添霜日暮江上立蟬鳴楓樹黃

後伏火猶在先秋蟬已多雲色日夜白驕陽能幾何壤
隙漏江海忽微成網羅勿言時不至但恐歲蹉跎

新月纔到地輕河如泛雲螢飛高下火樹影參差文露

簾有微潤清香時暗焚夜閒心寂默洞庭無垢氛

霽麗牀前影飄蕭簾外竹簾涼朝睡重夢覺茶香熟親烹園內葵憑買家家麴釀酒并蔬蔬人來有碁局

寒竹秋雨重凌霄晚花落低徊翠玉梢散亂掩黃萼顏色有殊異風霜無好惡年年百草芳畢竟同蕭索

春非我獨春秋非我獨秋豈念百草死但念霜滿頭頭自古所同胡為坐煩憂茫茫百年內處身良未休

西風冷衾簾展轉布華茵來者承玉體去者流芳塵

適意醜為好及時疎亦親
衰周仲尼出無乃為妖人
漠漠江面燒微微風樹煙
今日復今夕秋懷方浩然
況我頭上髮衰白不待年
我懷有時極此意何由詮

遣病十首

服藥備江瘴四年方一瘳
豈是藥無功伊予久留滯
滯留人固薄瘴久藥難制
去日良已甘歸途杳無際

棄置何所任鄭公憐我病
三十九萬錢

歲入之大率

資予養

頑瞑身賤殺何益恩深報
難罄公其千萬年世有天之

鄭

憶作孩稚初健羨成人列倦學厭日長嬉遊念佳節今
來漸諱年頗與前心別白日速如飛佳晨亦騷屑

昔在痛飲場憎人病辭醉病來身怕酒始悟他人意怕
酒豈不閒悲無少年氣傳語少年兒杯盤莫迴避

憶初頭始白晝夜驚一縷漸及鬢與鬚多來不能數壯
年等閒過過

上如字
下音戈

壯年已五華髮不再青勞生竟何

補

在家非不病有病心亦安起居甥姪扶藥餌兄嫂看今
病兄遠路道遙書信難寄言嬌小弟莫作官家官

鷺巢官舍內我爾俱為客歲晚我獨留秋深爾安適風
高翅羽垂路遠煙波隔去去玉山岑人間網羅窄

簷宇夜來曠暗知秋已生臥悲衾簾冷病覺肢體輕炎
昏豈不勸時去聊自驚浩歎終一夕空堂天欲明

秋依靜處多况乃凌晨趣深竹蟬晝風翠茸衫曉露庭
莎病看長林果閒知數何以強健時公門日勞驚

朝結故鄉念暮作空堂寢夢別淚亦流啼痕暗橫枕昔
愁憑酒遣今病安能飲落盡秋槿花離人疾猶甚

寒

江瘴節候暖臘初梅已殘夜來北風至喜見今日寒扣
冰淺塘水擁雪深竹攔復此滿樽醪但嗟誰與歡

玉泉道中作

楚俗物候晚孟冬纔有霜早農半華實夕水含風涼遐
想雲外寺峯巒眇相望松門接官路泉脈連僧房微露

上弦月暗焚初夜香
谷深煙塹淨山虛鐘磬長
念此清境遠復憂塵事妨
行行卽前路勿滯分寸光

遣病

此後通
州時作

自古誰不死不復記其名
今年京城內死者老少并獨

孤纔四十

秘書少
監郁

仕宦方榮榮李三三十九

監察御
史顧言

登

朝有清聲趙昌八十餘
三擁大將旌為生信異異之死
同冥冥其家哭泣愛一一無異情
其類嗟歎惜各各無
重輕萬齡龜菌等一死
天地平以此方我病我病何足

驚借如今日死亦足了一生借使到百年不知何所成
况我早師佛屋宅此身形捨彼復就此去留何所縈前
身為過跡來世即前程但念行不息豈憂無路行蛻骨
龍不死蛻皮蟬自鳴胡為神蛻體此道人不明持謝愛
朋友寄之仁弟兄吟此可達觀世言何足聽

感夢

夢故兵部裴
尚書相公

十月初二日我行蓬州西三十里有館有館名芳溪荒
郵屋舍壞新雨田地泥我病百日餘肌體顧若剗氣填

暮不食早早掩竇圭陰寒筋骨病夜久燈火低忽然寢
成夢宛見顏如珪似歎久離別嗟嗟復悽悽問我何病

痛又歎何栖栖荅云痰滯久與世復相睽重云痰小疾

良藥固宜擠前時奉橘丸攻疾有神功何不善和療豈

獨頭有風

予項患痰頭風踰月不差裴公教服橘皮朴
硝丸數月而愈今夢中復徵前說故盡記往

復之殷勤平生事款曲無不終悲歡兩相極以是半日

中言罷相與行行行古城裏同行復一人不識誰氏子

逡巡急吏來喚呼願且止馳至相君前再拜復再起啟

云吏有奉奉命傳所旨事有大驚忙非君不能理答云
久就閒不願見勞使多謝致勤勤未敢相唯唯我因前
獻言此事愚可料亂熱由靜消理繁在知要君如冬月
陽奔走不必召君如銅鏡明萬物自可照願君許蒼生
勿復高體調相君不我言願我再三笑行行及城戶黯
黯餘日輝相君不我言

一本握
我手

命我從此歸不省別時

語但省涕淋漓覺來身體汗坐卧心骨悲閃閃燈背壁
膠膠雞去時倦童顛倒寢我淚縱橫垂淚垂啼不止不

止啼且聲啼聲覺僮僕僮僕撩亂驚問我何所苦問我
何所思我亦不能語慘慘即路岐前經新政縣今夕復
明辰寘寘滿心氣不得說向人奇哉趙明府怪我眉不
伸云有北來僧住此月與旬自言辨貴骨謂若識天真
談游費悶景何不與逡巡僧來為予語語及昔所知自
言有奇中裴相未相時讀書靈山寺住處接園籬指言
他日貴畧刻似不移我聞僧此語不覺淚歔歔去聲因言
前夕夢無人一相謂無乃裴相君念我胸中氣遣師及

此言使我盡前事僧云彼何親言下涕不已我云知我
深不幸先我死僧云裴相君如君恩有幾我云滔滔衆
好直者皆是唯我與白生感遇同所以官學不同時生
小異鄉里拔我塵土中使我名字美美名何足多深分
從此治吹噓莫我先頑陋不我鄙往往裴相門終年不
曾履相門多衆流多譽亦多毀如聞風過塵不動井中
水前時予掾荆公在期復起自從裴公無吾道甘已矣
白生道亦孤讒謫銷骨髓司馬九江城無人一言理為

師陳苦言揮涕滿十指未死終報恩師聽此男子

和東川李相公慈竹十二韻

次本韻

慈竹不外長密比青瑤華茅攢有森束玉粒無蹉跎纖
粉妍膩質細瓊交翠柯亭亭霄漢近靄靄雨露多冰碧
寒夜聳簫韶風晝羅煙含朧朧影月泛鮮鮮波鸞鳳一
已顧燕雀永不過幽姿媚庭實顥氣爽天涯峻節高轉
露貞筠寒更佳託身仙壇上靈物神所呵時與天籟合
日聞陽春歌應憐孤生者摧折成病痾

元氏長慶集卷七

欽定四庫全書薈要卷一萬三千八百七十二

集部

元氏長慶集卷八

唐 元稹 撰

古體詩

酬東川李相公十六韻

并啟。此後至和樂天三首並次用本韻

稹啟今月十二日州吏迴伏受相公書示知小生所獻和慈竹等詩關達鑒覽不蒙罪退而又賜詩一十韻并首序一百二十三言廢名位之常數比朋友以字之飾

揚涓埃投擲珠玉幸甚幸甚至於廟議末學江花陋詞
無不記在雅章以備光寵不勝惶駭驚慚之至昔楚人
始交必有乘車戴笠不忘相揖之誓誠以為貴富不相
忘之難也況貴賤之隔不啻於車笠之相懸而相公投
貺珍重又豈唯一揖之容易哉稹獨何人享是嘉惠輒
復牽課拙劣酬獻所賜是猶百獸與鳳凰同舞於簫韶
之中各極其歡心耳又何暇自審其形容之不類哉慶
歲專人封用上獻死罪死罪謹啟

昔附赤霄羽歲蕤遊紫垣闕班香案上奏語玉宸尊
直撿忌諱科儀懲傲頑自從真籍除棄置勿復論前時
共遊者日夕黃金軒請帝下巫覡八荒求我冤鸞鳳屢
鳴顧燕雀尚籬藩徒令霄漢外往往塵念存存念豈虛
設併投瓊與璫彈珠古所訝此用何太敦鄒律寒氣變
鄭琴祥景奔靈芝繞身出左右光彩繁碾玉無俗色藥
珠非世言重慚前日句陋若摘並蓀臘月巴地雨瘴江
愁浪翻因持駭雞寶一照濁水昏

酬獨孤二十六送歸通州

再拜捧兄贈拜兄珍重言我有平生志臨別將具論十
歲慕個儻愛白不愛昏寧愛寒切烈不愛暘溫暾二十
走獵騎三十游海門憎兔跳趯趯惡鵬黑翻翻鰲釣氣
方壯鵠拳心頗尊下觀鬢音鬢振鬢音能亂髮音能輩一掃冀不存
名冠壯士籍功酬明主恩不然合音閤身身棄何況身上痕
金石有銷爍肺腑無寒溫分畫久已定波濤何足煩嘗
希蘇門嘯詎厭巴樹猿瘴水徒浩浩浮雲亦軒軒長歌

莫長歎飲斛莫飲樽生為醉鄉客死作達士鬼

酬劉猛見送

種花有顏色異色即為妖養鳥惡羽翮剪翮不待高非
無剪傷者物性難自逃百足雖捷捷商羊亦翹翹伊余
猶然質謬入多士朝任氣有愎戇容身寡朋曹愚狂偶
似直靜僻非敢驕一為毫髮忤十載山川遙爍鐵不在
火割肌不在刀險心露山嶽流語翻波濤六尺安敢主
方寸由自調神劍土不蝕異布火不焦雖無二物姿庶

欲効一毫未能深戚戚多謝相勞勞去去我移馬遲遲
君過橋雲勢正橫壑江流初滿槽江槽楚語持此慰遠道此
之為舊文

酬樂天赴江州路上見寄三首

昔在京城心今在吳楚末千山道路險萬里音塵闊天
上參與商地上胡與越終天升沉異滿地網羅設心有
無朕環腸有無繩結有結解不開有環尋不歇山嶽移
可盡江海塞可絕離恨若空虛窮年思不徹生莫強相

同相同會相別

襄陽大隄繞我向隄前住燭隨花豔來騎送朝雲去萬
竿高廟竹三月徐亭樹我昔憶君時君今懷我處有身
有離別無地無岐路風塵同古今人世勞新故

人亦有相愛我爾殊衆人朝朝寧不食日日願見君一
日不得見愁腸坐氛氲如何遠相失各作萬里雲雲高
風苦多會合難遽因天上猶有礙何況地上身

郵竹

庭有蕭蕭竹門有闐闐騎
囂靜本殊途因依偶同寄
亭
亭乍干雲嫋嫋亦垂地
人有異我心我無異人意

落月

落月沉餘影陰渠流暗光
蚊聲靄窻戶螢火繞屋梁
飛幌翠雲薄新荷清露香
不吟復不寐竟夕池水傷

高荷

種藕百餘根高荷纔四葉
颭閃碧雲扇團圓青玉疊
亭
亭自擡舉鼎鼎難藏辱
益涉切不學着水荃一生長怙怙

和裴校書鷺鷥飛

鷺鷥鷺鷥何處飛
鴝鷃鵲噪難久
依清江見底草
堂在
一點白光終不歸

夜池

荷葉團圓莖削削
綠萍面上紅衣落
滿池明月思啼蜚
高屋無人風張去
聲幕

酬楊司業十二兄
早秋述情見寄
今春與楊兄
會於馮翊數

日而別。此

詩同州作

白髮故人少相逢意彌遠往事共銷沉前期各衰晚昨
來彌遇苦已復雲離巘秋草古膠庠寒沙廢宮苑知心
宣忘鮑詠懷難和阮壯志日蕭條那能競朝幘

代杭民作使君一朝去二首

使君一朝去遺愛在民口惠化境內春才名天下首為
問龔黃輩兼能作詩否

使君一朝去斷腸如剉蘗無復見冰壺唯應鏤金石自
此一州民生男盡名白

長慶歷

年歷復年歷卷盡悲且惜歷日何足悲但悲年運易年
年豈無歎此歎何唧唧所歎別此年永無長慶歷

挽歌傷悼詩

順宗至德大聖大安孝皇帝挽歌詞三首

左拾遺時

作

不改延洪祚因成揖讓朝謳歌同戴啟遏密共思堯雨
露施恩廣梯航會葬遙號弓那獨切曾感昔年招

前春文祖廟大舜祠堯登及此踰年感還因是月崩壽
緣追孝促業在繼明興儉詔同今古山川繞灞陵
七月悲風起淒涼萬國人羽儀經巷內輜輳轉城闌暝
色依陵早秋聲入輅新自嗟同草木不識永貞春

憲宗章武孝皇帝挽歌詞三首

膳部員外時作

國付重離後身隨十聖仙北辰移帝座西日到虞泉方
丈言虛設華胥事眇然觸鱗曾在宥偏哭墮髯前

天寶遺餘事元和盛聖功二凶梟帳下三叛斬都中

楊惠

琳李師道傳首京師劉開始服沙陀虜方吞邏沙

蘇个切

戎沙陀突厥自元狼星如要射猶有鼎湖弓

和初始通中國

月落禁垣西星攢曉仗齊風傳宮漏苦雲拂羽儀低路
隘車千兩橋危馬萬蹄共嗟封石檢不為報功泥

恭王故太妃挽歌詞二首

校書郎
時作

燕姑極乙切貽天夢梁王盡孝思雖從魏詔葬得用漢藩

儀曙月殘光歛寒簫度曲遲平生奉恩地哀挽欲何之
文衛羅新壙仙娥掩暝山雪雲埋隴合簫鼓望城還寒

樹風難靜霜郊夜更閒
哀榮深孝嗣儀表在河間

哭呂衡州六首

氣敵三人傑交深一紙書
我投冰瑩眼君報水憐魚
股惟夸瘦膏肓豈暇除
傷心死諸葛憂道不憂餘

望有經綸釣度收
宰相刀江文駕風遠雲貌接天
高國待球琳器家藏虎豹韜
盡將千載寶埋入五原蒿

白馬雙旌隊青山八陣圖
請纓朝繫虜枕草誓捐軀
勢激三千壯年應四十無
遙聞不瞑目非是不憐吳

鵬鷖生難敵沉檀死更香
兒童喧巷市羸老哭碑堂
雁起沙汀暗雲連海氣黃
祝融峯上月幾照北人喪
迴雁峯前雁春迴盡却迴
聯行四人去同葬一人來
饒吹臨江返城池隔霧開
滿船深夜哭風棹楚猿哀
杜預春秋癖揚雄著述精
在時兼不語終古定歸名
未水波文細湘江竹葉輕
平生思風月潛寐若為情

僧如展及韋載同遊碧澗寺各賦詩予落句云
他生莫忘靈山座滿壁人名後會稀展共吟

他生之句因話釋氏緣會所以莫不悽然久之不十日而展公長逝驚悼返覆則他生豈有兆耶其間展公仍賦黃字五十韻飛札相示予方屬和未畢自此不復撰成徒以四韻為識

重吟前日他生句豈料踰旬便隔生會擬一來身塔下無因共繞寺廊行紫毫飛札看猶濕黃字新詩和未成縱使得如羊叔子不聞兼記舊交情

公安縣遠安寺水亭見展公題壁漂然淚流因
書四韻

碧澗去年會與師三兩人今來見題壁師已是前身
葉迎僧夏楊花度俗春空將數行淚灑遍塔中塵

寒食日毛空路示姪晦及從簡

我昔孩提從我兄我今衰白爾初成分明寄取原頭路
百世長須此路行

別孫村老人

年年漸覺老人稀
欲別孫翁淚滿衣
未死不知何處去
此身終向此原歸

和樂天劉家花

閒坊靜曲同消日
淚草傷花不為春
遍問舊交零落盡
十人纔有兩三人

褒城驛二首

容州詩句在褒城
幾度經過眼暫明
今日重看滿衫淚
可憐名字已前生

憶昔萬株梨映竹
遇逢黃令醉殘春
梨枯竹盡黃令死
今日再來衰病身

和樂天夢亡友劉太白同遊二首

君詩昨日到通州
萬里知君一夢閒
坐思量小來事
祇應元是夢中遊

老來東郡復西州
行處生塵為喪劉
縱使劉君魂魄在
也應至死不同遊

酬樂天見憶兼傷仲遠

死別重泉閔生離萬里賒瘴侵新病骨夢到故人家遙
淚陳根草閒收落地花庾公樓悵望巴子國生涯河任
天然曲江隨峽勢斜與君皆直慙須分老泥沙

與樂天同葬杓直

元伯來相葬山濤誓撫孤不知他日事兼得似君無

元氏長慶集卷八

欽定四庫全書薈要卷一萬三千八百七十三

集部

元氏長慶集卷九

唐 元稹 撰

傷悼詩

夜閒

此後並悼亡

感極都無夢
魂銷轉易驚
風簾半鈎落
秋月滿床明
悵望臨階坐
沉吟遶樹行
孤琴在幽匣
時迸斷絃聲

感小株夜合

纖幹未盈把高條纔過眉不禁風苦動偏受露先萎不
分秋同盡深嗟小便衰傷心落殘葉猶識合昏期

醉醒

積善坊中前度飲謝家諸婢笑扶行今宵還似當時醉
半夜覺來聞哭聲

追昔遊

謝傅堂前音樂扣狗兒吹笛膽娘歌花園欲盛千場飲
水閣初成百度過醉摘櫻桃投小玉嬾梳叢鬢舞曹婆

再來門館唯相弔風落秋池紅葉多

空屋題

十月十四日夜

朝從空屋裏騎馬入空臺盡日推閒事還歸空屋來月
明穿暗隙燈燼落殘灰更想咸陽道龜車昨夜回

初寒夜寄盧子蒙子蒙近亦喪妻

月是陰秋鏡寒為寂寞資輕寒酒醒後斜月枕前時倚
壁思閒事回燈檢舊詩聞君亦同病終夜遠相悲

城外回謝子蒙見諭

十里撫稚別一身騎馬回寒煙半堂影燼火滿庭灰稚
女憑人問病夫空自哀潘安寄新詠仍是夜深來

諭子蒙

撫稚君休感無兒我不傷片雲離岫遠雙鷺念巢忙大
壑誰非水華星各自光但令長有酒何必謝家莊

遣悲懷三首

謝公最小偏憐女自嫁黔婁百事乖顧我無衣搜藁盡名

篋泥他沽酒拔金釵野蔬充膳甘長藿落葉添薪仰古

槐今日俸錢過十萬與君營奠復營齋

昔日戲言身後意今朝皆到眼前來衣裳已施行看盡
針線猶存未忍開尚想舊情憐婢僕也曾因夢送錢財
誠知此恨人人有貧賤夫妻百事哀

閒坐悲君亦自悲百年都是幾多時鄧攸無子尋知命
潘岳悼亡猶費詞同穴窅冥何所望他生緣會更難期
唯將終夜長開眼報答平生未展眉

旅眠

內外都無隔帷幙不復張夜眠兼客坐同在火爐牀

除夜

憶昔歲除夜見君花燭前今宵祝文上重疊敘新年間
處低聲哭空堂背月眠傷心小兒女撩亂火堆邊

感夢

行吟坐歎知何極影絕魂銷動隔年今夜商山館中夢
分明同在後堂前

合衣寢

良夕背燈坐方成合衣寢酒醉夜未闌幾回顛倒枕

竹簾

竹簾襯重茵未忍都令卷憶昨初來日看君自施展

聽庚及之彈烏夜啼引

君彈烏夜啼我傳樂府解

去聲

古題良人在獄妻在閨官

家欲赦烏報妻烏前再拜淚如雨烏作哀聲妻暗語後

人寫出烏啼引吳調哀絃聲楚楚四五年前作拾遺諫

書不密丞相知謫官詔下吏驅遣身作囚拘妻在遠歸

來相見淚如珠唯說閒宵長拜烏君來到舍是烏力粧
點烏盤邀女巫今君為我千萬彈烏啼啄啄淚瀾瀾感
君此曲有深意昨日烏啼桐葉墜當時為我賽烏人死
葬咸陽原上地

夢井

夢上高高原原上有深井登高意枯渴願見深泉冷徘徊
遶井顧自照泉中影沉浮落井瓶井上無懸綆念此
瓶欲沉荒忙為求請遍入原上村村空犬仍猛還來遶

井哭哭聲通復哽哽噎夢忽驚覺來房舍靜燈焰碧朧
朧淚光凝同同鐘聲夜方半坐卧心難整忽憶咸陽原
荒田萬餘頃土厚壙亦深埋冤在深埂埂深安可越冤
通有時逞今宵泉下人化作瓶相憬感此涕洟瀾洟瀾
涕沾領所傷覺夢間便覺死生境豈無同穴期生期諒
綿永又恐前後冤安能兩知省循環意無極坐見天將
暘吟此夢井詩春朝好光景

江陵夢三首

平生每相夢不省兩相知況乃幽明隔夢寃徒爾為情
知夢無益非夢見何期今夕亦何夕夢君相見時依稀
舊粧服暗淡昔容儀不道間生死但言將別離分張碎
針線音輒疊故幘幘撫稚再三囑淚珠千萬垂囑云唯

此女自歎總無兒尚念嬌且騃未禁寒與饑君復不喜
事奉身猶脫遺況有官縛束安能長顧私他人生間別
婢僕多謾欺君在或有託出門當付誰言罷泣幽噎我
亦涕淋漓驚悲忽然寤坐臥若狂癡月影半床黑蟲聲

幽草移心蒐生次第覺夢久自疑寂默深想像淚下如
流澌百年永已訣一夢何太悲悲君所嬌女棄置不我
隨長安遠於日山川雲間去聲之縱我生羽翼網羅生繫
維今宵淚零落半為生別滋感君下泉魄動我臨川思
一水不可越黃泉况無涯音宜此懷何由極此夢何由追
坐見天欲曙江風吟樹枝

古原三丈穴深葬一枝瓊崩剝山門壞煙綿墳草生久
依荒隴坐却望遠村行驚覺滿床月風波江上聲

君骨久為土我心長似灰百年何處盡三夜夢中來逝
水良已矣行雲安在哉坐看朝日出衆鳥雙徘徊

張舊蚊幃

踰年間生死千里曠南北家居無見期况乃異鄉國破
盡裁縫衣忘收遺翰墨獨有纈紗幃憑人遠携得施張
合歡榻展卷雙鴛翼已矣長空虛依然舊顏色徘徊將
就寢徙倚情何極昔透香田田今無覓惻惻隙穿斜月
照燈背空牀黑達理強開懷夢啼還過臆平生貧寡歡

天枉勞苦憶我亦詎幾時胡為自摧逼燭蛾焰中舞蠅
蠶叢上織焦爛各自求他人顧何力多離因苟合惡彰
當務息往事勿復言將來幸前識

獨夜傷懷贈呈張侍御

張生近喪妻

燼火孤星滅殘燈寸焰明竹風吹面冷簷雪墜階聲寡
鶴連天叫寒雛徹夜驚祇應張侍御潛會我心情

六年春遣懷八首

傷禽我是籠中鶴沉劍君為泉下龍重纈猶存孤枕在

春衫無復舊裁縫

檢得舊書三四紙
高低闊狹粗成行
自言併食尋高事
唯念山深驛路長

公無渡河

樂府題

音響絕已隔前春
復去秋今日閒窻拂

塵土殘絃猶迸細
瑩篴

婢僕曬君餘服用
嬌癡稚女遶牀行
玉梳細朶香膠解
盡日風吹璫瑁箏

伴客銷愁長日飲
偶然乘興便醺醺
怪來醒後倚人泣

醉裏時時錯問君

我隨楚澤波中水
君作咸陽泉下泥
百事無心值寒食
身將稚女帳前啼

童稚癡狂撩亂走
繡毬花仗滿堂前
病身一到總帷下
還向臨階背日眠

小於潘岳頭先白
學取莊周淚莫多
止竟悲君須自省
川流前後各風波

荅友封見贈

荀令香銷潘簾空悼亡詩滿舊屏風扶牀小女君先識
應為些些似外翁

夢成之

燭暗船風獨夢驚夢君頻問向南行覺來不語到明坐
一夜洞庭湖水聲

哭小女降真

雨點輕漚風復驚偶來何事去何情浮生未到無生地
暫到人間又一生

哭女樊

秋天淨綠月分明何事已猿不賸

音孕贈也

鳴應是一聲腸

斷去不容啼到第三聲

哭女樊四十韻

號州長史時作

逝者何由見中人未達情馬無生角望猿有斷腸鳴去
伴投遐徼來隨夢險程四年已養育萬里硤回縈病是
他鄉染鬼應遠處驚山魑邪亂逼沙虱毒潛嬰母約看
寧辨余慵療不精欲尋方次第俄值疾充盈燈火徒相

守香花抵浪擎蓮初開月梵薺已落朝榮魄散魂將盡
形金玉尚瑩空垂兩行血深送一枝瓊祕祝休巫覡安
眠放使令舊衣和篋施殘藥滿甌傾乳媪閒於社醫僧
媿音似似醒憫渠身覺賸訝佛力難爭騎竹癡猶子牽車
小外甥等閒迷過影遙戲誤啼聲沉紙傷餘畫扶牀念
試行獨留呵面鏡誰弄倚牆箏憶昨工言語憐初妙長
成撩風妬鸚舌凌露觸蘭英翠鳳輿真女紅蕖捧化生
祇憂嫌五濁終恐向三清宿惡諸葷味懸知衆物名而生

不食葷血虎豹豺猿等皮毛盡惡斥之已環從枯樹得
南所無之物及北而默識其名者數輩

經認寶函盛愠怒偏憎數分張雅愛平最憐貪粟妹頻
救嬾書兄為占嬌饒分良多眷戀誠別常回面泣歸定
出門迎解怪還家晚長將遠信呈說人偷罪過要我抱
縱橫騰蹋遊江舫攀緣看藥棚和蠻歌字切教學妓

舞腰輕迢遞離荒服持携到近京未容誇伎倆唯恨枉
聰明往緒心千結新絲鬢百莖暗窻風報曉秋幌雨聞
更敗槿蕭疎館衰楊破壞城此中臨老淚仍自哭孩嬰

哭子十首

翰林學士時作

維鵜受刺因吾過得馬生災念爾冤獨在中庭倚閒樹
亂蟬嘶噪欲黃昏

纔能辨別東西位未解分明管帶身自食自眠猶未得
九重泉路託何人

爾母溺情連夜哭我身因事有時悲鐘聲欲絕東方動
便是尋常上學時

蓮花上品生真界兜率天中離世途彼此業緣多障礙

不知還得見兒無

節量

良音

黎粟愁生疾教示詩書望早成鞭扑校多憐校

少又緣遺恨哭三聲

深嗟爾更無兄弟自歎予應絕子孫寂寞講堂基址在

何人車馬入高門

往年鬢已悲潘岳垂老年教

平作聲

鄧攸煩惱數中除一

事自茲無復子孫憂

長年苦境知何限豈得因兒獨喪明消遣又來緣爾母

夜深和淚有經聲

烏生八子今無七猿叫三聲月正孤寂寞空堂天欲曙
拂簾雙鷺引新雛

頻頻子落長江水夜夜巢邊舊處棲若是愁腸終不斷
一年添得一聲啼

感逝 浙東

頭白夫妻分聲去無子誰令蘭夢感衰翁三聲啼婦臥牀

上一寸斷腸埋土中蛭甲暗枯秋葉墜鷺雛新去夜巢

空情知此恨人皆有應與暮年心不同

妻滿月日相唁

十月辛勤一月悲今朝相見淚淋漓
狂花落盡莫惆悵猶勝因花壓折枝

元氏長慶集卷九

欽定四庫全書薈要卷一萬三千八百七十四

集部

元氏長慶集卷十

唐 元稹 撰

律詩

代曲江老人百韻

年十六時作

何事花前泣曾逢舊日春
先皇初在鎬賤子正游秦
撥亂干戈後經文禮樂辰
徽章懸象魏貌虎畫麒麟
光武休言戰唐堯念睦姻
琳琅銷柱礎葛藟茂河漣
尚齒惇

耆艾搜材拔積薪裴王持藻鏡姚宋幹陶鈞內史稱張

敬蒼生借寇恂名卿唯講德命士恥憂貧杞梓無遭用

芻蕘不忘

去聲

詢懸金收逸驥鼓瑟薦嘉賓羽翼皆隨鳳

瑜璉肯稱

去聲

珉班行容濟濟文質道彬彬百度依皇極

千門闢紫宸理刑非苟簡稽古蹈因循書謬偏求伏詩

亡遠聽申繼黜三彪賈羣擢八龍荀海外恩方洽寰中

教不泯儒林一同異冠屨盡清淳天淨三光麗時和四

序均卑官休力役賤職少艱辛蠻貊同車軌鄉原盡里

仁帝途高蕩蕩風俗厚淳淳秋日耕耘足豐年雨露頻
成煙生不見村豎老猶純耒耜勤千畝牲牢奉六禋南
郊禮天地東野闢原畝音校獵求初吉先農卜上寅萬
方來合雜五色瑞輪囷池籞呈朱雁壇場得白麟酌金
光照耀奠璧綵璘璘音賓掉蕩雲門發踳躩鷺羽振集靈
撞玉磬和鼓奏金鐃建簾崇牙盛銜鐘獸目嗔總干形
屹崱戛敵背嶙峋文物千官會夷音九部陳魚龍華外
戲歌舞洛中嬪佳節脩酺禮非時宴侍臣梨園明月夜

花萼豔陽晨李杜詩篇敵蘇張筆力勻樂章輕鮑照碑

板笑顏竣泰嶽陪封禪汾陰頌鬼神星移逐西顧風煖

助東巡浴德留湯谷蒐田過渭濱沸天雷殷殷於謹切匪

地輟犇犇沃土心逾熾豪家禮漸湮老農羞荷鍤貧賈

學垂紳曲藝爭工巧彫機變組紉音循說文圖米條雜記紉以五采青

鳧扶音連不解紅粟朽相因山澤長孳貨梯航競獻珍翠

毛開越雋音龍龍眼啟甌閩玉饌薪然蠟椒房燭用銀銅

山供橫賜金屋貯宜嘖班女恩移趙思王賦感甄輝光

隨顧步生死屬搖脣世族功勲久王姬寵愛親街衢連
甲第冠蓋擁朱輪大道垂珠箔當爐踏錦茵軒車隘南
陌鐘磬滿西隣出入張公子嬌奢石季倫雞塲潛介羽
馬埒並揚塵韜袖誇狐腋弓弦尚鹿臙

音寅夾脊肉

紫條牽

白犬錦韉

馬鞍具

覆花駟箭倒南山虎鷹擒東郭獒

音翻

身迎過雁坐射取迴鶉競蓄朱公產爭藏邨氏緡橋桃

矜馬驚倚頰數金銀蔬闕冬中韭羨憐遠處尊

音仁

萬錢

纔下第五醅

才細切

未稱醇曲水流觴日倡優醉度旬探

九依郭解投轄伴陳遵共謂長安泰那知遽構屯奸心

興桀黠凶醜比頑嚙斗柄侵妖彗天泉化逆鱗貸恩歎

乃祖連禍及吾民

貍音輶

音雨獸名出南海外

當前路

鯨鯢得要津王師方業業暴卒已瞢瞢

說文兩虎爭聲語巾切

雜

虜同謀夏宗周斃去幽陵園深暮景霜露下秋旻鳳闕

悲巢鵬鷁行亂野麇

苦隕切

華林荒茂草寒竹碎貞筠村

落空垣壞城隍舊井堙破船沉古渡戰鬼聚陰燐振臂

誰相應攢眉獨不伸毀容懷赤紱混跡戴黃巾木梗隨

波蕩桃源數隱淪弟兄書信斷鷗鷺往來馴忽遇山光
澈遙瞻海氣真祕圖推廢主後聖合經綸野杏渾休植
幽蘭不復紉但驚心憤憤誰戀水粼粼盡室離深洞輕
撓盪小輪殷勤題白石悵望出青蘋夢寐平生在經過
處所新阮郎迷里巷遼鶴記城闌音虛過休明代旋為
朽病身勞生常矻矻語舊苦諄諄晚歲多衰柳先秋媿
大椿眼前年少客無復昔時人

開元觀閒居酬吳士矩侍御三十韻十八時作

靜習狂心盡幽居道氣添神編啟黃簡祕錄捧朱籤爛

熳煙霞駐優游歲序淹登壇擁旄節趨殿禮胡髯殿有玄宗

皇帝醮起彤庭燭香開白玉匱音簾盛香器俗作奩結盟金劍重

斬魅寶刀銛禹步星綱動焚符竈鬼詹方言至也又與瞻同冥搜

呼直使章奏役飛廉仙籍聊憑檢浮名復為占赤誠祈

皓鶴綠髮代青縑虛室常懷素玄關屢引拈音斟貂蟬徒

自寵鷗鷺不相嫌始悟身為患唯欣祿未恬龜龍戀滢

海雞犬傍閭閻松笠新偏翠山峰遠更尖簫聲吟茂竹

虹影逗虛簷初日先通牖輕颺每透簾露盤朝滴滴鈎

月夜纖纖已得餐霞味應嗤食夢甜上琴閒度晝耽酒

醉銷炎儿案隨宜設詩書逐便拈灌園多抱甕刈藿乍

腰鎌野鳥終難繫鷦鷯本易厭平聲風高雲遠逝波駭鯉

深潛邸第過音戈從隔蓬壺夢寐瞻所希顏頗練誰恨突

無黔思拙慙圭璧詞煩雜米鹽諭雖言太小求藥意何

謙語默君休問行藏我詎兼來詩有問行藏狂歌終此求藥物之句

曲情盡口長箱

病減逢春期白二十二辛大不至十韻

校書郎時作

病與窮陰退春從血氣生寒膚漸舒展陽脉乍虛盈就
日臨階坐扶牀履地行問人知面瘦祝鳥願身輕風暖
牽詩興時新變賣聲饑饒看藥忌閒悶點書名舊雪依
深竹微和動早萌推遷悲往事疎數入聲辯交情琴待嵇
中散杯思阮步兵世間除却病何者不營營余頃切

黃明府詩并序

小年曾於解縣連月飲酒予常為觥錄事曾於竇少府

廳中有一人後至頻犯語令連飛十二觥不勝其困逃席而去醒後問人前虞鄉黃丞也此後絕不復知元和

四年三月予奉使東川十六日至褒城東數里遙望驛亭前有城池樓榭甚盛逡巡有黃明府見迎瞻其形容髣髴似識問其前銜則固曩時之逃席黃丞也說向前事黃生憫然而寤因饋酒一槽艤舟請予同載予不免其意與之盡歡徧問座隅山川則曰又褒次其右感今懷古作黃明府詩云

少年曾痛飲黃令因飛觥席上當時走馬前今日迎依
稀迷姓氏積漸識平生故友身皆遠他鄉眼暫明便邀
連榻坐兼共摘音船行酒思臨風亂霜稜掃地平不看
深淺酌貪愴古今情邈迤七盤路坡陀數丈城花疑褰
女笑棧想武侯征一種埋幽石老閒千載名

酬翰林白學士代書一百韻

并序。此後
江陵時作

玄元氏之下元日會予家居至枉樂天代書詩一百韻
鴻洞卓犖令人興起心情且置闕書美予前和七章章

次用本韻韻同意殊謂為工巧前書缺可謂寔難之今

復次排百韻以答懷思之貺云

昔歲俱充賦同年遇有司八人稱迴拔兩郡濫相知同年

八人樂天拔萃登科予平判入等逸驥初翻步羈鷹暫脫羈遠途憂地

窄高視覺天卑並入紅蘭署偏親白玉規近朱憐冉冉

伐木願惇惇魚魯非難識鉛黃自懶持心輕馬融帳謀

奪子房帷秀發幽巖電清澄溢岸陂九霄排直上萬里

整前期勇贈棲鸞句慚當古井詩予贈樂天詩云皎彼鸞鳳姿樂天贈予詩

云無波多聞全受益擇善頗相師脫俗殊常調潛工大古井水

有為還醇憑耐酒運智託園棊情會招車屑閒行覓戴

逵僧餐月燈閣釀宴劫灰池

予與樂天杓直拒非輩多于月燈閣閒遊又嘗與秘

省同官釀宴昆明池

勝槩爭先到篇章競出奇輸贏論平破的點

竄肯容絲山岫當街翠墻花拂面枝

昔予賦詩云為見墻頭拂面花時惟

樂天鷺聲愛嬌小鷺翼翫逶迤轡為逢車緩鞭緣起伴

知此

施密攜長上樂偷宿靜坊姬僻性慵朝起新晴助晚嬉

相歡常滿目別處鮮開眉翰墨題名盡光陰聽話移

樂天

每與予游從無不書名屋壁又嘗於新昌宅說一枝花話自寅至己猶未畢詞也

綠袍因醉典

烏帽逆風遺暗插輕籌箸仍提小屈卮

予有篋箕草籌
筋小盞酒胡之

輩當時當在書

囊以供飲備

本絃纔一舉下口已三遲逃席衝門出

歸倡借

去聲

馬騎狂歌繁節亂醉舞半衫垂散漫紛長薄

邀遮守隘岐幾遭朝士笑兼任巷童隨苟務形骸達渾

將性命摧何曾愛官序不省計家資忽悟成虛擲翻然

歎未宜使回舳樂事堅赴策賢時寢食都忘倦園廬遂

絕闕勞神甘感感攻短過孜孜葉怯穿楊箭囊藏透穎

錐超遙望雲雨擺落占泉坻略削荒涼苑搜求激直詞

那能作牛後更擬助洪基

舊說制策皆以惡訐取容為美予與樂天指病危言不顧

成敗意在決求高等初就業時今裴相公戒予慎勿以策苑為美予深佩其言然而怪其多大擬取有可取遂切求潛覽功及累月無所獲先是穆員盧景亮同年應制俱以詞直見黜予求獲其策皆手自寫之置在篋篋樂天損之輩常詛予篋中有不第之祥而又哂予決求高第之僭也唱第聽雞集超朝忘

馬疲內人輿御案朝景麗神旗首被呼名姓多慙冠等
衰千官容眷盼五色照離披鵷侶從茲洽鷗情轉自縻
分張殊品命中外却驅馳出入稱金籍東西侍碧墀闕

班雲洶湧開扇雉參差切愧尋常質親瞻咫尺安日輪
光照耀龍服瑞歲蕤誓欲通愚謬生憎效喑哑倭存真
妾婦諫死是男兒便殿承偏召權臣懼撓私廟堂雖稷
契城社有狐狸似錦言應巧如弦數易欺敢嗟身暫黜
所恨政無毗

予元和元年任拾遺八十三日
延英對九月十三貶授河南尉

謬辱良由

此昇騰亦在斯再令陪憲禁依舊履沾危使蜀常縣遠
分臺更嶮巖匿姦勞發掘破黨惡持疑斧刃迎皆碎盤
牙老未萎乍能還帝笏詎忍折

音浙

吾支虎尾元來險圭

文却類疵浮榮齊壤芥閒氣詠江籬闕下殷勤拜樽前

嘯傲辭飄沈委蓬梗忠信敵蠻夷戲誚青雲驛譏題皓

髮祠予途中作青雲驛詩病其雲泥一貪過谷隱寺留

讀峴山碑寺在亭側草沒章臺趾隄橫楚澤湄野蓮侵稻隴

亞柳壓城陴遇物傷凋換登樓思漫漶金攢嫩橙子鑿

泛遠鷓鴣仰竹藤纏屋苦茆荻補籬南人以大竹為籬也麪

梨通蒂朽火米帶芒炊麪梨軟爛無味葦筍鉞筒束鰓

魚箭羽簪芋羹真底可鱸膾漫勞思北渚銷魂望南風

著骨吹度梅衣色漬食稗馬蹄羸

南方衣服經夏謂之度梅顏色盡黧馬食

菰蔣蓋北地

院權和泥醃官酤小麴醅訛音煩繳繞輕

稗稗之屬

去俗醜威儀樹罕貞心柏畦豐衛足葵坳窪饒臃矮游

惰壓庸緇病賽烏稱鬼巫占反代龜

南人染病競賽烏鬼楚巫列肆悉賣

瓦連陰蠅張王瘡瘡雪治醫

雨中井作蛙池終冬往往無雪

我正窮於

是君寧念及茲一篇從日下雙鯉送天涯坐捧迷前席

行吟忘結綦匡床鋪錯繡几案踴躍靈芝形影同初合參

商喻此離扇因秋棄置鏡異月盈虧壯志誠難奪良辰

豈復追甯牛終夜永潘鬢去年衰

予今年始三十二
去歲己生白髮

溟

渤深那測穹蒼意在誰馭方輕驤衰車肯重辛夷卧轍
希濡沫低顏受頷頤世情焉足怪自省固堪悲溷鼠虛
求潔籠禽方訝飢猶勝憶黃犬幸得早圖之

元氏長慶集卷十

謹案卷六第七頁後三行已覺神輕翔刊本神訛
人據全唐詩改

第八頁後一行槐樹搖去魂按全唐詩槐作楓

卷七第十頁前五行月泛鮮鮮波按全唐詩鮮鮮
作鱗鱗

第十頁前七行靈物神所呵刊本呵訛何據全唐
詩改

卷八第七頁前三行風傳宮漏苦刊本漏訛臨據

全唐詩改

第七頁前四行橋危馬萬蹄刊本危記聲據全唐

詩改

第八頁前七行各賦詩刊本脫詩字據全唐詩增

第八頁前八行滿壁人名後會稀刊本會訛復據

全唐詩改

卷九第十頁前六行未容誇伎倆刊本誇訛誘據

全唐詩改

第十二頁前三行狂花落盡莫惆悵按全唐詩花

作風


卷十第六頁後三行兼共摘船行按全唐詩摘作

榜

第六頁後四行花疑裛女笑刊本疑裛訛凝裛據

全唐詩改





總校官庶吉士臣張能照
校對官庶吉士臣陳文樞
謄錄貢生臣潘沛然

壺冰赤縣纔分務

當事者惡公出為河南尉

青驄已迴乘

謂拜御史

因騎

度海鷗擬殺蔽天鵬縛虎聲空壯連鼇力未勝風翻波

竟蹙山壓勢逾崩

公按獄東川劾節度使嚴礪礪黨怒俄分司東都又劾治河南尹房式詔

召公還 僂辱徒相困蒼黃性不能酣歌離峴頂負氣入江

陵

為中人仇士良擊敗面貶江陵士曹

華表當蟾魄高樓挂玉繩角聲悲

掉蕩城影暗稜層軍幕威容盛官曹禮數兢心雖出雲

鶴身尚觸籠鷹踈足良甘分排衙苦未曾通名參將校

抵掌見親朋煦沫求涓滴滄波怯斗升荒居隣鬼魅羸

欽定四庫全書薈要

集部

元氏長慶集卷十一至
六

詳校官助教臣常循



欽定四庫全書薈要卷一萬三千八百七十五

集部

元氏長慶集卷十一

唐 元稹 撰

律詩

紀懷贈李六戶曹崔二十功曹五十韻

昔冠諸生首初因三道徵公卿碧雞會名姓白麻稱日
月光遙射烟霄志漸弘榮班張錦繡諫路賜牋藤便欲

呈肝膽何言犯股肱

為左拾遺
遇事輒舉

椎埋衝斗劍清徹瑩

音詠

壺冰赤縣纔分務

當事者惡公出為河南尉

青驄已迴乘

謂拜御史

因騎

度海鷗擬殺蔽天鵬縛虎聲空壯連鼇力未勝風翻波

竟蹙山壓勢逾崩

公按獄東川劾節度使嚴礪礪黨怒俄分司東都又劾治河南尹房式詔

召公還 僂辱徒相困蒼黃性不能酣歌離峴頂負氣入江

陵

為中人仇士良擊敗面貶江陵士曹

華表當蟾魄高樓挂玉繩角聲悲

掉蕩城影暗稜層軍幕威容盛官曹禮數兢心雖出雲

鶴身尚觸籠鷹踈足良甘分排衙苦未曾通名參將校

抵掌見親朋煦沫求涓滴滄波怯斗升荒居隣鬼魅羸

馬步殄

音殄

聲陵欲

白草堂簷短黃梅雨氣蒸霑經

汗席颭閃盡油燈夜怯餐膚蚋朝煩拂面蠅過從愁厭

賤專靜畏猜仍旅寓誰堪託官聯自可憑甲科崔並驚

柱史李齊昇共展排空翼俱遭激遠矰他鄉元易感同

病轉相矜投分多然諾忘言少愛憎誓將探肺腑恥更

辨淄澠會宿形骸遠論交意氣增一心吞渤澥戮力拔

蒿恒語到磨圭角疑消破弩癥

音微

吹噓期指掌患難許

檐簷

簷有柄者

鍛翮鸞棲棘藏鋒箭在弮雪中方覩桂木上

莫施罾且泛觴
泂水無過被病僧
有時鞭款段盡日醉

儂

音

儂

他登切

躡

屐

看

秧

稻

敲

船

和

採

菱

叉

魚

江

火

合

喚

客谷神應

平聲

嘯

傲

雖

開口

幽

憂

復

滿

膺

望

雲

緒

撥

刺

透

匣色騰凌每想潢池寇
猶稽赤族懲
變龍勞算畫
貌虎

帶威稜
逐鳥忠潛奮
懸旌意遠凝
攡弓思徹札
絆驥悶

牽絙運甃調辛苦
聞雞屢寢興
間隨人兀兀
夢聽鼓鑿

鑿

他勝反

班

筆

行

看

擲

黃

陂

莫

漫

澄

麒麟

高

閣

上

須

及

壯

時登

荅姨兄胡靈之見寄五十韻

并序

九歲解賦詩飲酒至斗餘乃醉時方依倚舅族

公舅族
榮陽鄭

也氏舅憐不以禮數檢故得與姨兄胡靈之之輩十數人

為晝夜遊日月跳擲於今餘二十年矣其間悲歡合散
可勝道哉昨枉是篇感徹肌骨適白翰林又以百韻見
贈余因次酬本韻以荅貫珠之贈焉於吾兄不敢變例
復自城至生凡次五十一字靈之本題兼呈李六侍御
是以篇末有云

憶昔鳳翔城韶年是事榮理家煩伯舅相宅盡

茲引反吾

兄詩律蒙親授朋游忝自迎題頭筠管縵教射角弓駢

靈之善筆
札習騎射

矮馬駢髮髻

音

犛牛獸面纓對談依赳赳

上聲

送客步盈盈米枕諸賢讓蠡舡大戶傾一船席外語三

榼拍心精傳盞加分數橫波擲目成華奴歌浙浙媚子

舞卿卿

軍大夫張生好屬詞多妓樂歌者華奴善歌浙
漸鹽又有舞者媚子善觥令禁言張生常令綱

紀闌設狂為好誰憂飲敗名屠過

音

隱朱亥樓夢古秦

羸環坐惟便

平聲

草投盤暫廢觥春郊纔爛熳夕鼓已砰

轟荏苒移灰琯喧闐勸塞兵糟漿聞漸足書劍訝無成

抵壁慚虛棄彈珠覺用輕遂籠雲際鶴來狎谷中鷺學

問攻方苦篇章興太清囊踈螢易透錐鈍股多坑

陷也筆

陣戈矛合文房棟桷撐豆箕才敏儻羽獵正崢嶸岐下

尋時別京師觸處行醉眠街北廟閒遶宅南營

予宅在靖安北

街靈之時寓居永樂南街廟中予宅在南隣芻營

柳愛凌寒軟梅憐上番

上聲驚

觀松青黛笠欄藥紫霞英

開元觀古松五株靖安宅壯丹數本皆曩時遊行之地

盡日聽僧講通宵詠月明正耽幽趣樂旋被宦途縈吏

晉資材枉留秦歲序更

時靈之作吏平陽予
酬校祕閣自茲分散

我鬢

音
沖鬢

音伊青
黑色

數寸君髮白千莖芸閣懷鉉暇姑峰帶雪晴何

由身倚玉空觀翰飛瓊

渠營切

世道難於劔讒言巧似笙

但憎心可轉不解跼如擎始効神羊觸俄隨旅雁征孤

芳安可駐五鼎幾時烹潦倒沉沉泥滓歎危踐矯衡登樓

王粲望落帽孟嘉情

龍山落帽臺去
府城二十里

巫峽連天水章臺

塞路荆

章華臺去
府十里

雨摧漁火焰風引

去聲

竹枝聲分

去聲作

屯之蹇那知困亦亨官曹三語掾國器萬尋楨

此後多
述李君

定交之由用報
靈之蕪呈之意

逸傑雄姿迴皇王雅論評蕪依潛可習

雲合定誰令原燎逢水井鴻流值木罌智囊推有在勇
爵敢徒爭迅拔看鵬舉高音侍鶴鳴所期入拭目焉肯
自佯盲鉛鈍丁寧淬蕪荒展轉耕窮通須豹變攫搏笑
狼獾音能媿捧芝蘭贈還披肺腑呈此生如未死未擬變
平生一本云今日負平生

酬許五康佐

次用
本韻

奮迅君何晚羈離我詎傳鶴籠間警露鷹縛悶牽韉蓬

閣深沉省荆門遠慢州課書同吏職旅宦各鄉愁白日
傷心過滄江滿眼流嘶風悲代馬喘月伴吳牛枯涸方
窮轍生涯不繫舟猿啼三峽雨蟬報兩京秋珠玉慚新
贈芝蘭忝舊游他年問狂客須向老農求

送崔侍御之嶺南二十韻

并序

古朋友別皆贈以言况南方物候飲食與北土異其甚
者夷民喜聚蠱祕方云以含金變黑為驗攻之重雄黃
海物多肥腥啖之好嘔泄驗方云備之在鹹食嶺外饒

野菌

音窘

視之蟲蠹者無毒羅浮生異果察其鳥啄者可

餐大抵珠璣毒瑁之所聚貴潔廉湮鬱暑濕之所蒸避

溢愆其餘道途所慎離愴之懷盡之二百言矣叙不復

云

漢法戎施幕秦官郡置監蕭何歸舊印鮑永授新銜幣

聘雖盈篋泥章未破絨蛛懸絲繚繞鵲報語詰謫再礪

神羊角重開憲簡函

崔君前任已為御史

鞏纓驄赴赴

上聲

綏珮繡

繆繆

音衫

逸翮憐鴻翥離心覺刃劓聯游虧片玉洞照失

明鑒

平聲

遙想車登嶺那無淚滿衫茅蒸連蟒氣衣漬度

梅賊

乙減切痕也聚氣也

象鬪緣谿竹猿鳴帶雨杉颶風狂浩浩

韶石峻嶓嶓宿浦宜深泊祈龍在至誠瘴江乘早度毒

草莫親芟試盡看銀黑排腥貴食鹹菌須蟲已蠹菓重

鳥先鵠

丘衙切鳥啄也

冰瑩

上聲

懷貪水霜清顧痛巖珠璣當盡

擲薏苡詎能讒荆俗欺王粲吾生問季咸遠書多不達

勤為枉擻擻

思廉切

酬段丞與諸棊流會宿樊居見贈二十四韻

次用

本韻

鳴局寧虛日間窓任廢時琴書甘盡棄園井詎能窺運
石疑填海爭籌憶坐惟赤心方苦鬪紅燭已先施蛇勢
縈山合鴻聯度嶺遲堂堂排直陣衮衮逼羸師懸却偏
深猛回征特險巖旁攻百道進死戰萬般為異日玄黃
隊今宵黑白棋斫營看迴點對壘重相持善敗雖稱怯
驕盈最易欺狼牙當必碎虎口禍難移乘勝同三捷扶
顛望一詞希因送目便敢待指蹤竒退引防邊策雄吟

斬將詩眠牀都浪置通夕共忘疲曉雉風傳角寒聚雪
壓枝繁星收玉版殘月耀冰池僧請聞鐘粥賓催下藥
危獸炎餘炭在蠟淚短光衰所知切俛仰嗟陳迹殷勤卜
後期公私牽去住車馬各支離分作終身癖兼從是事
墮此中無限興惟怕俗人知

酬竇校書二十韻

次本韻

鷗鷺元相得杯觴每共傳芳遊春爛熳晴望月團圓調
笑風流劇論文屬對全賞花珠並綴看雪壁常連竹寺

荒惟好松齋小更憐潛投孟公轄狂乞莫愁錢塵土拋
書卷槍籌弄酒權令誇齊箭道力鬪抹弓弦但喜添樽
滿誰憂泛桂然漸輕身外役渾證飲中禪及我辭雲陛
逢君仕圃田音徽千里斷魂夢兩情偏足聽猿啼雨深
藏馬腹鞭官醪半清濁夷饌雜腥羶顧影無依倚甘心
守靜專那知暮江上俱會落英前款曲生平在悲涼歲
序遷鶴方同北渚鴻又過南天麗句慚虛擲沉機嬾強
牽粗酬珍重意工拙定相懸

泛江翫月十二韻 并序

予以元和五年自監察御史貶授江陵士曹掾六月十
四日張季友李景儉二侍御王文仲司錄王衆仲判官
兩昆季為予載酒炙選聲音自府城之南淮攀月泛舟
窮竟一夕予賦詩以紀之

楚塞分形勢羊公壓大邦
朋儕多士子參量盡敦龐
岳壁間相對荀龍自有雙
共將船繫泊況是月臨江
遠樹懸金鏡深潭倒玉幢

宅江切

委波添淨練洞照滅凝釭闌

咽沙頭市玲瓏竹岸窓巴童唱巫峽海客話神龍已困
連飛盞猶催未倒缸飲荒情爛熳風棹樂崢嶸撻勝事他
年盡雄心此夜降知君皆逸韻須為應筵撞

店卧聞幕中諸公徵樂會飲因有戲呈三十韻

獲落因寒甚沉陰與病偕藥囊堆小案書卷

上聲

塞空齋

脹腹看成鼓羸形漸比柴道情憂易適溫瘴氣難排治

漣

時甬切
脰腫也

扶輕杖開門立靜街耳鳴疑暮角眼暗助昏

靈

謨皆切

野竹連荒草平陂接斷崖坐隅甘對鵬當路恐

遭豺蛇蠱迷弓影鵬翎落箭韋音晚籬喧鬪雀殘菊半

枯菱音悵望悲回雁依遲傍古槐一生長苦節三省詎

行怪平聲奔北翻成勇司南却是昌苦平切穹蒼真漠漠風

雨漫漫彼美猶谿女其誰占館娃音誠知通有日太

極浩無涯布卦求無妄祈天願孔皆藏去聲衰謀計拙地

僻往還乖况羨蓮花侶方欣綺席諧鈿車迎妓樂銀翰

屈朋儕白紵顰歌黛同蹄墜舞釵白紵同蹄皆樂人姓名纖身霞

出海艷臉月臨淮籌筇隨宜放投盤止罰唯宣皆切大闕聲又笑

貌紅娘留醉打觥使及醒差

舞引紅娘拋打曲名酒中觥使席上右職

顧我

潛孤憤何人想獨懷夜燈然檨葉凍雪墮墼堦壞壁虛

缸倚深爐小火埋鼠驕銜筆硯被冷束筋骸畢竟圖斟

酌先須遣癘瘥

音皆瘥瘥之徒

槍旗如在手

籌筋色日

那復敢歲

鳥平

切寒

音懷不平也

酬友封話舊叙懷十二韻

依次重用為韻

風波千里別書信二年稀乍見悲兼喜猶驚是與非身

名判

平聲

作夢盃盃莫相違草館同牀宿沙頭待月歸春

深鄉路遠老去宦情微魏闕何由到荊州且共依人欺
翻省事官冷易藏威但擬馴鷗鳥無因用弩機開張圖
卷軸顛倒醉衫衣蓴菜銀絲嫩鱸魚雪片肥憐君詩似
湧蹋馬筆如飛會遣諸伶唱篇篇入禁闈

送王協律游杭越十韻

去去莫悽悽餘杭接會稽松門天竺寺花洞若耶溪浣
渚逢新豔蘭亭識舊題山經秦帝墓壘辨越王棲江樹
春常早城樓月易低鏡澄湖面湄雲疊海潮齊章甫官

人戴萼絲姹音妒女提長干迎客關小市隔煙迷紙亂紅

藍壓甌凝碧玉泥荆南無抵物來日為儂携

送東川馬逢侍御使回十韻

風水荆門闊文章蜀地豪眼青賓禮重眉白衆情高思
勇曾吞筆投虛慣用刀詞鋒倚天劒學海駕雲濤南郡
傳紗帳東方讓錦袍旋吟新樂府便續古離騷雪岼猶
封草春江欲滿槽餞筵君置醴隨俗我鋪糟莫歎巴三
峽休驚鬢二毛流年等頭過人世各勞勞

元氏長慶集卷十一